

Kêmkirina diravê baxçeyê zarokan û SFO (programa lînêrîna piştî dibistanê)

Diravên baxçeyê zarokan û SFO serê her zarokê divê ne zêdetir be ji 6 prosêntê hatina şexsî û hatina sermaye ya malbatê ku bac tê ser. Ger dirav ji 6 prosêntan zêdetir be, hûn dikarin daxwaza kêmkirina dirav bikin. **Ev tê wê wateyê ku malbatên kê-m-hatin dikarin diravêkî pir kêmtir bidin ji boyî baxçeyê zarokan û lînêrîna piştî dibistanê (SFO).**

Mebesta me ji hatina şexsî û ya sermaye a ku bac tê ser, hatina hem jin û mêr û hevjinên qeydkirî û hevjinên ku li navnîşana ku zarok lê qeydkirî ye dijîn e.

Ger cihê lêjiyana zarokê di nav dê û bav de parvekirî be, wê diravê baxçeyê zarokan û SFO li ser bingeha hatina wê dayikê yan wî bavî be ku xwediyê heman navnîşanê ye ku zarok li ser hatiyê qeydkirin, werê hesabandin.

Şaredariya Bergenê xwedan sînorên hatinê yê cûda û nexşeyan e ji bo kêmkirina dirav.

Em diravê ku tê ser te li gorî bihayê çûyina baxçeyê zarokan û lînêrîna piştî dibistanê (SFO) yê herî zêde ê niha, û li gorî hatina malbatê û temenê zarokê kê-m-dikin. Şaredariya Bergenê ji bo kêmkirina dirav xwedan planên cihêreng e. Hûn dikarin li ser sînorên hatina diravî û nexşeyên cihêreng ên ku bandorê li diravê baxçeyê zarokan û SFO dikin li vir bixwînin (tenê bi zimanê norwêcî):

<http://www.bergen.kommune.no/reduisert-foreldrebetaling>

Eger te gelek zarokên ku diçine baxçeyê zarokan / SFO hebin, tê erzaniya xwîşk û bira bistîne bêtî berçavgirtina hatina diravî a malbatê.

Divê tu ji boyî kêmkirina dirav daxwaznameyê bidî.

Tu dikarê forma daxwazkirinê li vir bibîne: <http://www.bergen.kommune.no/reduisert-foreldrebetaling>

Daxwazname elektronî ye û divê te nasnameya bankê Bank ID, Min ID an jî nasnameyeka mîna wan hebê da ku tu bikaribê daxwaznameyê radest bikî.

Eger tu xudan gelek zarokan bê, divê tu ji boyî her yekî ji wan di heman daxwaznameyê de daxwaza kêmkirina dirav bikî. Hingî wê hesabkirin bi rengekî otomatîkî di daxwaznameya te de were kirin.

Ji bo ku em diravê baxçeyê zarokan û SFO yê ku tê ser te hesab bikin û li daxwaznameya te binêrin, divê tu belgên saxlem ên hatina malbatê a ku bac tê ser hevpeç bikî:

- Beyannameya bacê ya herî dawî
- Heger di hatina diravî de guherînên mezin û mayînde ku ne ligorî beyannameya bacê ne hebin, tu dikarî sê qesîmeyên mûçe ên herî dawî hevpêç bikî.
- Biryara alîkariya diravî ji Fonda dewletê a deynkirinê a xwendekar (lånekassen) û nasnameya xwendekar
- Biryara NAV
- Ger tu li benda ronîkirina NAV-ê yî, divê tu belgeyan li ser vê yekê hevpêç bikî.

Ger tu nû hatiye Norwêcê û beyannameya bacê a te tune ye, divê tu belgeyên rûniştina qanûnî ya li Norwêcê hevpêç bikî.

Daxwazname ji kengî ve derbasdar e

Daxwaznameya kêmkirina diravê baxçeyê zarokan û SFO ji meha piştî wergirtina daxwaznameyê û pêve derbasdar e. Çi dema ku daxwaznameya te werê pejirandin em ê biryarê ji te re bişînin.

Ger hejmara te a şexsî (personnummer) tune be an nikaribî bi şêweyekî elektronî daxwaznamayê bişînî

Nivîsgeha xizmeta hevvelatiyan (innbyggjerservice) dikare ji te re bibe alîkar ku tu daxwaznameyê bişînî,

Hejmara telefonê 55 56 55 56 e. Navnîşan Kaigaten 4 e.

Dema tu werî, bi xwe re nasname û belgenamê pêwîst ji boyî daxwazkirinê bîne.

SERINC! Ji bîr meke ku tu ji boyî her saleke baxçeyê zarokan / SFO daxwaznameyê bidî

Biryarên li ser kêmkirina diravê baxçeyê zarokan û SFO yê her carê ji boyî salekê ne. Pêdivî ye ku tu herî dereng berî xelasbûna meha temûzê/tîrmehê daxwaznameyeke nû bişînî da ku tu di tebaxê de diravê kêmkirî wergrî.